

U kombela njhani Xiyimo xa wena xa Vulandzelelanawu bya Xibalo

- 5 Nyenyenyani 2021 - Sweswi u [nga kombela Xiyimo xa wena xa Vulandzelelanawu bya Xibalo laha](#).

Tsundzuka: Hi le tlhelo u nga kombela Xiyimo xa Vulandzelelanawu bya Xibalo (TCS) mayelana na swikongomelo swo karhi (xik. Thendara) eka inthanete hi ku tirhisa [eFiling](#).

U kombela njhani Xiyimo xa Vulandzelelanawu bya Xibalo hi ku tirhisa eFiling

Loko se u langutisile “My Compliance Profile”, ya wena u nga kombela Xiyimo Vulandzelelanawu bya Xibalo hi ku:

- Hlawula nhlawulo wa Xikombelo xa Vulandzelelanawu bya Xibalo na muxaka wa TCS lowu u tsakelaka ku endla xikombelo xa wona. U tava na mihlawulo leyi landzelaka: U ta va na mihlawulo leyi landzelaka:
 - Xiyimonene
 - Thendara
 - [FIA \(Xengetelo wa Vuvekisi bya Matiko Mambe\) \(vanhu ntsena\)](#)
 - Rhurho (vanhu ntsena)
- Tata Xikombelo xa Xiyimo xa Vulandzelelanawu bya Xibalo no xi rhumela eka SARS.

Xitsundzuxo xa Nkoka: Vona [swikombelo swa FIA](#) na [Rhurho](#) eka switsariwa swo seketela leti lavekaka.

Vahakelaxibalo lava rhurheke khale naswona va lavaka ku rhurhisa ‘Emigrant’s Remaining Assets’ (leswi khale a swi tiveka tanihi Blocked Funds) endzhaku ka ti 01 Nyenyankulu 2021, va fanele ku kombela TCS eka FIA hi ku tirhisa eFiling. Loko ku endliwa xikombelo xa TCS mayelana na FIA, mirhurhiso leyi yi fanele ku tekiwa tanihi rhurhiso wun'wana na wun'wana wa xuma xa matikomambe naswona muhakelaxibalo u fanele ku hlawula ‘Source of capital to be invested’ leyi faneleke. Nhlawulo wa ‘Emigrant’s Remaining Assets’ a wa ha ri kona eka nhlawulo wa eFiling.

Loko se xikombelo xa wena xi pasisiwile hi SARS, u ta nyikiwa nkatsakanyo wa xiyimo xa wena xa vulandzelelanawu bya xibalo na PHINI. U nga kombela leswaku PHINI yi rhumeriwa eka wena hi SMS naswona u nga yi langutisa eka dexibodo ya “Tax Compliance Status Request” eka phurofayili ya wena ya eFiling. PIN yi nga tlhela yi kandziyisiwa eka fomo ya papila ra mbuyelo wa TCS.

Xitsundzuxo xa Nkoka: PHINI yo hlawuleka yi ta humesiwa eka xikombelo xin'wana na xin'wana lexi u xi endlaka.

PHINI ya Xiyimo xa Vulandzelelanawu bya Xibalo

PHINI yi ku nyika ndlela yo pfumelela vandla ra vunharhu ku langutisa xiyimo xa wena xa vulandzelelanawu bya xibalo eka inthanete hi ku tirhisa eFiling. Loko se u nyikile PHINI eka vandla ra vunharhu, PHINI yi ta kotisa nhlango kumbe ndzawulo ya mfumo leyi faneleke ku langutisa xiyimo xa wena xa sweswinyana xa vulandzelelanawu bya xibalo eka inthanete. Yi ta va nyika xiyimo xa vulandzelelanawu hinkwawo eka siku na nkarhi lowu va nga cheka hi wona handle ka leswi xiyimo xa wena a xi ri xiswona eka siku leri PHINI yi nga nyikiwa eka wena. Ku sirhelela xihundla xa vuxokoxoko bya muhakelaxibalo, ku hava vuxokoxoko byin'wana lebyi nga ta fikeleleka.